

Tabell E-fk

Kriteriedata. Fylkeskommunane

Tabell E-fk presenterer kriteriedata som ligg til grunn for berekninga av indeksverdiane som er presenterte i tabell D-fk.

Kolonne 1 – Innbyggjartal per 1. januar 2016

Tal frå Statistisk sentralbyrå (SSB). Befolkningsstatistikk 2016.

Kolonne 2 – Innbyggjartal per 1. juli 2016

Tal frå SSB. Befolkningsstatistikk 2016.

Innbyggjartala per 1. juli 2016 avvik litt frå dei offisielle innbyggjartala for andre kvartal som er publisert på heimesida til Statistisk sentralbyrå. Årsaka til avviket er at innbyggjartala i kriterietala inneheld korreksjonar gjennomført etter 1. juli og inkluderer dermed etterregistreringar av flytting, fødselar og dødsfall. Innbyggjartala i kriteriedata viser ei meir korrekt framstilling av befolkninga per 1. juli 2016.

Kolonnane 3–7 – Innbyggjartal per 1. juli 2016 fordelt etter alder

Tal frå SSB. Befolkningsstatistikk 2016.

Kolonne 8 – Innbyggjarar 6–34 år, skalert (ut over 32 pst.)

Talet på innbyggjarar 6–34 år er skalert om til å telje innbyggjarar 6–34 år ut over ein fastsett minstedel. Minstedelen er sett til litt i underkant av delen til fylkeskommunen som hadde lågast verdi på delen innbyggjarar 6–34 år ved omlegginga av inntektssystemet i 2015, dvs. 32 pst.

Den skalerte verdien kjem fram på følgjande måte:

$$[((\text{Innbyggjarar 6-34 år})/(\text{Innbyggjarar i alt})) - 0,32] * (\text{Innbyggjarar i alt})$$

Eller:
$$[((\text{kol. 7})/(\text{kol. 2})) - 0,32] * (\text{kol. 2})$$

Kolonne 9 – Psykisk utviklingshemma 18 år og over

Psykisk utviklingshemma 18 år og over, 2015. Tal frå SSB/KOSTRA.

Kolonne 10 – Søkjarar til høgkostnads utdanningsprogram

Primærsøkjarar 16 år eller yngre til vidaregåande trinn 1, yrkesfaglege utdanningsprogram inkl. utdanningsprogram for musikk, dans og drama, per 1. mars. Gjennomsnitt for skuleåra 2014/2015, 2015/2016 og 2016/2017. Tal frå Kunnskapsdepartementet/Utdanningsdirektoratet.

Kolonne 11 – Reiseavstand i km

Samla reiseavstand i km for innbyggjarane til sonesenter, innanfor soner på 11 000 innbyggjarar, 2011. Tal frå SSB/Geodata.

Kolonne 12 – Kilometer offentleg veg

Offentleg veg i kilometer, 2015. Tal frå SSB/KOSTRA. Berekna som summen av kommunale, fylkeskommunale og riks-/europavegar i tabell L i KOSTRA/Statistikkbanken (tabell 07797).

Kolonne 13 – Innbyggjarar per kilometer offentleg veg

Innbyggjarar per kilometer offentleg veg er berekna ved å dividere innbyggjarar per 01.07.16 (kol. 2) med kilometer offentleg veg (kol. 12).

Kolonne 14 – Innbyggjarar per km offentleg veg, skalert (ut over 17)

Innbyggjarar per km offentleg veg er skalert om til å telje innbyggjarar per km offentleg veg ut over ein minsteverdi. Minstedelen er sett til litt i underkant av delen til fylkeskommunen som hadde lågast verdi på innbyggjarar per km offentleg veg ved omlegginga av inntektssystemet i 2015, dvs. 17.

Den skalerte verdien kjem fram på følgjande måte:
 $((\text{Innbyggjarar i alt}) / (\text{Offentleg veg i km})) - 17$

Eller: $((\text{kol. 2}) / (\text{kol. 12})) - 17$

Kolonne 15 – Innbyggjarar busette spreidd

Innbyggjarar busette spreidd, per 1. januar 2015. Tal frå SSB.

Kolonne 16 – Innbyggjarar busette spreidd, skalert (ut over 0,002)

Innbyggjarar busette spreidd er skalert om til å telje innbyggjarar busette spreidd ut over ein minstedel. For delen innbyggjarar busette spreidd er minstedelen sett til litt i underkant av delen til fylkeskommunen som hadde lågast verdi på kriteriet ved omlegginga av inntektssystemet i 2015, dvs. 0,002.

Den skalerte verdien kjem fram på følgjande måte:
 $[((\text{Innbyggjarar busette spreidd}) / (\text{Innbyggjarar i alt})) - 0,002] * (\text{Innbyggjarar i alt})$

Eller: $[((\text{kol. 15}) / (\text{kol. 2})) - 0,002] * (\text{kol. 2})$

Kolonne 17 – Netto driftsutgifter ekskl. avskrivningar (fylkesfaktor båtar)

Kriterieverdi for kriteriet "Fylkesfaktor båtar" er netto driftsutgifter ekskl. avskrivningar til hurtigbåtar, gjennomsnitt 2013–2015 (KOSTRA-funksjon 732), i 1000 kroner. Tal frå SSB/KOSTRA. Tala er justerte for feilrapportering, mellom anna ferjeutgifter som er førte som båtutgifter.

Kolonne 18 – Ferjesamband

Talet på fylkeskommunale ferjesamband i heilårsdrift 2016. Basert på rapportering frå fylkeskommunane til Kommunal- og moderniseringsdepartementet, supplert med data frå SSB/KOSTRA og Ferjedatabanken.

Kolonne 19 – Veglengde fylkesveg

Fylkesveglengde inkl. gang- og sykkelvegar, i kilometer, per august 2016. Tal frå Vegdirektoratet/MOTIV.

Kolonne 20 – Vedlikehaldsbehov

Berekna vedlikehaldsbehov på fylkesvegnettet, i 1000 kroner, per august 2016. Tal frå Vegdirektoratet/MOTIV.

Kolonne 21 – Fylkesvegfaktor for drift og vedlikehald

Fylkesvegfaktor for drift og vedlikehald av fylkesvegar blir rekna ut ved å dividere berekna vedlikehaldsbehov (kol. 20) med fylkesveglengda (kol. 19). Hedmark har lågast verdi og får ein faktor på 1,0000. Faktoren til dei andre fylkeskommunane er uttrykt relativt til Hedmark. For Oslo er fylkesvegfaktoren eit vege gjennomsnitt mellom ein faktor på 9,6 for 35 km veglengde som blei overført i samband med forvaltningsreforma, og ein faktor på 4,0 for 278 km normert vegnett.

Kolonne 22 – Fylkesvegfaktor * fylkesveglengde

Fylkesvegfaktor (kol. 21) multiplisert med fylkesveglengde (kol. 19) gir kriterieverdien for kriteriet "Fylkesvegfaktor drift og vedlikehald".

Kolonne 23 – Elevar i statlege/private vidaregåande skular, vanleg undervisning

Tal på elevar i statlege/private skular – vidaregåande opplæring, som får vanleg undervisning. Gjennomsnittleg elevtal per 1. oktober 2015 og 1. april 2016.

Kolonne 24 – Elevar i statlege/private vidaregåande gartner- og landbruksskular

Tal på elevar i statlege/private gartner- og landbruksskular – vidaregåande opplæring. Gjennomsnittleg elevtal per 1. oktober 2015 og 1. april 2016.

Kolonne 25 – Elevar i statlege/private vidaregåande spesialskular

Tal på elevar i statlege/private spesialskular. Med spesialskular meiner ein her vidaregåande skular innanfor systemet til Statped, og/eller frittstående helsepedagogiske vidaregåande skular. Gjennomsnittleg elevtal per 1. oktober 2015 og 1. april 2016.

Kolonne 26 – Elevar i statlege/private vidaregåande spesialskular, med opphald

Tal på elevar i statlege/private spesialskular som òg bur ved skulen. Med spesialskular meiner ein her vidaregåande skular innanfor systemet til Statped, og/eller frittstående helsepedagogiske vidaregåande skular. Gjennomsnittleg elevtal per 1. oktober 2015 og 1. april 2016.